

Joachim Schröder


**Speculum Christianae Fidei Oder Christlichen Vertrauens Spiegel/ Das ist/  
Herrn D. Martini Lutheri Geistreiche Außlegung des CXXVII. Psalms/ Darin  
klärllich gezeiget wird/ Wie daß/ Weil An Gottes Segen/ Alles gelegen/ Alle und  
jede wahre Gläubige ... In Gott muthig/ frölich und getrost seyn sollen**

Rostock, 1642

<http://purl.uni-rostock.de/rosdok/ppn729969444>

Druck Freier  Zugang






[Faded handwritten text on a white paper label on the spine]

Fm  
4861

Fm-4861<sup>1-4.</sup>







1175  
155 2 EF

29

SPECULUM  
CHRISTIANÆ FIDUCIÆ 28.

Oder

# Christlichen Vertrauens Spiegel/

Das ist/

Herrn D. MARTINI LUTHERI  
Geistreiche Auslegung des CXXVII. Psalms/

Darin klärlich gezeigt wird/

Wie das/ Weil

An Gottes Segen/ Alles gelegen/  
Alle vnd jede wahre Gläubige/ wie sonst in allen Stücken/  
Also insonderheit auch

Wegen der Nahrung/  
Für Feinden Beschützung/  
Der Kinder Bedenung/

Nach höchstem Fleiß das Ihrige thun/  
Gleichwol aber

**GOTT** allein vertrauen vnd ehren/

Vnd also/ wie sonst/ also auch

In gegenwertigen hochbetrüben Nahr- vnd Schutzlosen  
verderbten Kriegszeiten

In **GOTT** muthig/ frölich vnd getrost  
seyn sollen.


In Druck gegeben

Durch

**M. JOACHIMUM SCHRODERUM,**

Predigern zu S. Georg in Rostock.

Rostock/ Gedruckt im Jahr 1642.



Denen WolEdlen/ Gestrengen/ Hoch-  
Achtbarn/ Hochweisen/ Fürsichtigen/ Hoch-  
vnd Wolgelarten

Herren

**Herren Bürgermeistern**

vnd Rath/ Sitzenden der hochlöblichen  
vnd weitberähmten Kauff-Handel vnd  
Hanse-Stadt

**R I B A.**

Seinen Hochgeehrten Herren/vnd mäch-  
tigen Befoderern.

Offerirt dieses/ mit Anwandschung glücklicher Regö-  
rung/ Erhaltung/ Beschirmung/ vnd löblichen  
durch ihre liebe Jugend Propagirung/ in Uns-  
terthänigkeit vnd zum Gebet für sie vnd der gans-  
gen Stadt Bereitwilligkeit

**M. Joachimus Schröderus.**



1533. Jun 24

Der hundert vnd sieben vnd zwenzigste  
Psalm/ außgelegt durch D. Mart. Luth.

An die Christen zu Riga in Lieffland.  
Tom. 2. Germ. Jen. p. 364. 365. & seq.

Allen lieben Freunden in Christo.

**N**ad vnd Fried von Gott vnserm Vater/  
durch vnsern Herrn Jesum Christum. Ich bin  
längst vermahnet/ lieben Freunde/ an euch etwas  
Christliches zu schreiben/ Hette es auch wol gerne  
gethan/ wie ich denn schuldig bin/ Mich hat aber  
allerley gehindert/ zu dem/ daß ich nichts besonders wuste zu  
schreiben/ weil Gott vnser Vater euch so reichlich hat begnadet  
mit seinem heiligen Wort/ daß ihr euch selbst vnter einander könn  
net beyde lehren vnd ermahnen/ stärken vnd eröfren/ vielleicht  
besser denn wir. Doch weil solches von mir begehrt ist/ hab ich  
mir so viel Zeit gestolen/ meinen Geist sampt ewerm mit einem  
geistlichen/ göttlichen Gesange zu erwecken/ vnd sárgenommen  
den 127. Psalm außzulegen.

Vnd habe das darumb gethan/ daß dieser Psalm zumahl  
sein die Herzen vom Geis vnd Sorge zeitlicher Nahrung vnd  
Guts/ auff den Glauben zu Gott zeucht/ vñnd kárzlich lehret/  
wie man sich Christlich halten sol/ zeitlich Gut zu erwerben vnd  
halten. Denn es ist freylich zu vermuthen/ daß weder bey vns/  
noch bey euch/ das auffgangene Evangelium werde besser haben/  
denn es zur Zeit Christi vñnd der Aposteln/ ja von Anfang der  
Welt gehabt hat. Denn nicht allein die Evangelisten/ sondern  
auch alle Propheten darüber klagen/ daß der Geis vnd zeitlicher  
Güter Sorge/ fast hindert die Frucht des Evangelii. Es fállee  
das



das edle Wort Gottes ja mit zu vnter die Dornen/vnd wird ers-  
sicht/das es nicht Frucht bringet/ wie vns leyder die Erfahrung  
allzugreifflich zeiget. Vnd S. Paulus auch klagt/ Jederman  
suche das seine/ nicht was Jesu Christi ist.

Ich habe nu viel geprediget vnd geschrieben/ das man in  
Städten sol gute Schulen auffrichten/ damit man gelehrte  
Männer vnd Weiber auffzöge/ daraus Christliche gute Pfarr-  
herr/Prediger/ vnd Haushälter würden/vnd das Wort Got-  
tes reichlich im Schwang bliebe/ So stellet man sich so faul vnd  
lässig dazu/ als wolt Jederman verzweiffeln an der Nahrung  
vnd zeitlichem Gut/ das mich dünckt/es wil dahin kommen/das  
beyde Schulmeister/ Pfarrherr vnnnd Prediger werden müssen  
vergehen/ vnd sich zu Handwerck oder sonst wegthun/das sie das  
Wort fahren lassen/ vnd sich des Hungern erwehren/ gleich wie  
die Leviten mussten Gottes Dienst lassen ligen vnd ackern/ als  
Nehemias schreibet.

Ists aber nicht ein erbärmlicher Jammer/ Bissher hat eine  
Stadt/ die bey vier oder fünff hundert Bürger hat/ können ge-  
ben/ fünff/sechs/sieben hundert Gulden werth/allein den Bettel-  
München/ ohn was Bischoffe/ Official/ vnd andere Schinder/  
dazu was sonst Bettler vnd Stationirer geraubt haben. Dazu  
noch heutiges Tages sol wol eine solche Stadt fünff oder sechs  
hundert Gulden alleine für Parreth jährlich geben/ wil schweis-  
gen/ was Würge/ Seiden/ Gold/ Perlin/ vnnnd des vnnützen  
Dinges kostet/ Ja was wird in Bier vnd Wein verschlemmet?  
Das/ wenn mans alles zusammen schlegt/ eine solche Stadt  
jährlich weit über tausent Gulden in den Dreck wirfft. Solch  
arm/ elend/ verlohren Regiment ist iht in Deutschen Landen.  
Solte sie aber ein hundert Gulden oder zwey zur guten Schulen  
vnd Predigstuel geben/ Ja da müst man verarmen/ vnd zu Bett-  
ler werden/ da haben wir nichts/da regiret Geiß vnd Sorge der  
Nahrung/da wil man hungers sterben. Was

Was wird aber Gott zulezt dazu sagen? Er wird das sagen/ Was der Gottlose fürcht/ das wird ihm kommen/ Hunger fürchten wir/ Hunger wird vns treffen/ Vnd wird dafür keine Sorge helfen. Vnd weil wir ohn alle Noth/ als die vns gläubigen Heyden/ so sorgfältig sind/ daß wir sein Wort vnd Werk nicht fördern/ mit dem/ daß er vns dazu geben hat/ wird er vns lassen eine Zeit kommen/ daß wir zu sorgen werden gnug haben/ vnd vns dennoch selbst nicht werden fördern mügen/ Vnd wenns geschieht/ wie sich anlezt/ daß eine grausame Thewrung kömpt/ so geschichs vns recht/ denn wir wollens so haben.

Vorhin haben wir den Verführern/ Pfaffen vnd Mönchen/ die vnser Mütter/ Weiber/ Töchter vnd Schwestern geschändet/ vnd zu Huren gemacht/ die vns mit Frevel vnd Gewalt vnterdrückt haben/ daß wir als vnter den Teuffeln kriechen müssen/ vnd darüber mit giftiger Lehre/ Leib vnd Seele ermordet/ vnd in die Helle getrieben/ Denselbigen haben wir nicht alleine gnug auffs überflüssigst/ sondern Land vnd Leute/ Städte vnd Schlöffer geben/ vnd zu grössern Herren gemacht/ denn wir selber sind oder haben.

Nu vns aber Gott sendet fromme/ trewe/ gelehrte Leute/ die zur Zucht vnd Keuschheit helfen/ mit Worten vnd Wercken/ vnd durch die göttliche Ehe der Hurerey weniger machen/ dazu mit allem Fleiß vns an Leib vnd Seele dienen/ vnd zum Himmel die rechte Strasse weisen/ die lassen wir. Vnd die wir solten mit aller Kost von der Welt Ende holen/ die halten wir schier/ wie<sup>NE</sup> der reiche Mann den armen Lazarum hielt/ vnd vermügen nu nicht drey fromme/ gelehrte/ eheliche Prediger zu ernehren/ da wir zuvor haben hundert Hurentreiber in aller Pracht erhalten. Wolan/ was Gott daran für Gefallen wird haben/ das werden wir in der Kürze erfahren. Vns ist nicht zu sagen/ so wird er auch

er auch wiederumb einmal die Ohren zupopffen/ vnd nicht hören. Es sind noch etliche auff Erden/ wenn die das Haupt legen/ so wird sich finden.

Nichts bessers/ den nur ein anders vnd dergers Wapsthum auffgericht/ das vns gewilicher verderbe (wo es möglich were) denn diß gethan hat/ Als denn ohne zweyffel geschehen wird vnd muß/ wo der Jüngste Tag nicht drein schlägt/ Wir wollen doch betrogen/ verführet/ geschunden vnd geschändet seyn. Wie die Weisheit klagt Prov. 1. Ich rieß/ vnd ihr weget euch/ Ich recket meine Hand aus/ vnd niemand achtets/ Ihr verschmähet all meinen Rath/ vnd lasset meine Straffe fahren/ So wil ich ewer auch lachen/ wenn ihr verderbet/ vnd ewer spotten/ wenn über euch kömpt/ das ihr fürchtet etc. Denn werden sie mir ruffen/ aber ich werde sie nicht hören/ So sollen sie essen von iren Früchten/ vnd von ihrem Rath satt werden.

Darumb wil ich noch ein Liedlein/ solchem Geitz zu Dienst singen/ Ob noch etliche möchten erweckt werden/ die vns hülffen den Gottes Zorn länger auffhalten/ Vnd das sol seyn dieser Psalm/ Welcher hat solche Oberschrift: Ein Lied Salomo in der Höhe.

Warumb dieser Psalm vnd etliche mehr heißen Lied in der Höhe/ weis ich nicht/ Etliche meynen darumb/ daß die Priester vnd Leviten haben solche Psalmen gesungen/ wenn sie hinauff in den Tempel gangen sind/ auff den Treppen oder Stufen/ Darumb nennen sie dieselben Stufenlied oder Treppenslied. Aber das gilt nicht/ hat auch keinen Grund noch Anzeigung in der Schrift/ sie haben auch nicht auff den Stufen/ sondern im Tempel gesungen.

Wen aber Meynen vnd Düncken solt gelten/ wolt ich also meynen/ vnd mich düncken lassen/ daß diese Psalmen seyn mit hoher Stimm gesungen/ gleich wie die Knaben oder Weiber singen

singen gegen die Mannsstimme/ vnd sey eben dasselbige/ das etliche Psalmen heissen Lamazeah/ das ist/ hoch gesungen etc. Doch weil die Weise der Leviten zu singen ist vergangen/ so ist vngewis/ was wir davon sagen/ ligt auch nicht grosse Macht dran/ wenn wir nur den Verstand des Psalms recht hetten.

Salomo aber hat diesen Psalm gemacht/ vnd ist nicht als ein durch den Geist dazu erleucht/ sondern als der im täglichen Regiment geübt vnd mit Leuten vmbgangen/ solchs hat manchs seliglich erfahren/ wie vergeblich der Vnglaube sich mit Sorgen bemühet/ daß er den Bauch versorge/ so es doch alles ligt an Gottes segnen vnd behüten. Denn wo er nicht segnet/ da hilfft keine Arbeit/ wo er nicht behütet/ da hilfft keine Sorge/ Vnd spricht also:

### Der CXXVII. Psalm.

**W**D der HERR das Haus nicht bauet/ so arbeiten vmbsonst/ die dran bauen.

Wo der HERR die Stadt nicht behütet/ so wachet der Wächter vmbsonst.

Es ist vmbsonst daß ihr frühe auffstehet/ vnd hernach lang sitzet/ vnd esset ewer Brodt mit Sorgen/ Denn seinen Freunden gibt ers schlaffend

Sihe/ Kinder sind eine Gabe des HERRN/ vnd Leibes Frucht ist ein Geschenk.

Wie die Pfeile in der Hand eines Starcken/ also gerathen die jungen Knaben.

Wol dem/ der seine Köcher derselben voll hat/ die werden nicht zu schanden/ wenn sie mit ihren Feinden handeln im Thor.

Erst.

**H**ristlich müssen wir wissen/dz Hausbawen  
heisset hie nicht allein Holz vnd Steine auffrichten/ daß  
man Wende vnd Dach/ Kammern vnd Gemach habe/  
sondern vielmehr alles/was in ein Haus gehört/das wir  
auff deutsch sagen/ Haushalten. Gleich wie Aristoteles  
schreibet de oeconomia, das ist/ von Haushalten/ dazu Weib vnd Kind/  
Knecht vnd Magd/ Viehe vnd Futter geh<sup>r</sup>. et/ gleich wie Exodi am 1.  
Moses schreibet/ daß Gott den zwo Ammen wol that/ vnd Häuser ba-  
wete/ darumb daß sie ihn fürchten/ vnd erwürgeren die Kinder Israel  
nicht/ das ist/ Er half ihnen/ daß sie Männer/ Söhne vnd Töchter/  
vnd was dazu gehört/ genug kriegen. Denn Salomo gedencket eine  
Christliche Ehe zu beschreiben/ vnd vnterweiset Jederman/ wie er ein  
Christlich Ehemann vnd Hausherr seyn sol.

Die Vernunft vnd Welt meynet/ ein ehelich Leben vnd Haus-  
halten solle gehen/ wie sie es fürnehmen/ wollen der Sachen mit ihrem  
wählen vnd erbeten raten/ gerade/ als solts durch ihr Erbett aufge-  
richtet werden. Da spricht Salomo nein zu/ sondern rücket vns hinauff  
zu Gott/ vnd lehret vns solches alles mit rechtem Glauben von Gott bit-  
ten vnd warten/ Vnd man sihet es auch in der Erfahrung also. Es  
greiffen manchmal Zwey zur Ehe/ die kaum ein Semd anzuzie-  
hen haben/ vnd nehen sich doch so still vnd fein/ daß lust ist. Wie-  
derumb bringen etliche gros Gut zusammen/ vnd es verschleufft  
doch vnter ihren Händen weg/ daß sie kaum sich erhalten.

Item/ es greiffen Zwey zusammen aus grosser Liebe/ vnd gehet nach  
ihrem Wunsch vnd wol zu/ vnd haben doch darnach keinen guten Tag  
mit einander. Etliche haben grossen Fleiß vnd Angst/ daß sie gerne Kin-  
der hetten/ vnd kriegen sie nicht. Etliche die nicht darnach dencken/ kri-  
egen das Haus voll Kinder. Item/ etliche suchen still hauß zu halten  
mit Gefind/ so wendet sich/ daß alles Unglück da ist. Vnd so fort an/  
gehet es wunderlich zu in der Welt.

Wer ist aber/ der so mit der Ehe vnd Haushalten rumort/ vnd  
lehret es so seltsam? Das ist der/ davon hie Salomon sagt/ Wo der  
BERR nicht haußhelt/ da ist das Haushalten verlehren. Den  
Spruch wil er wahr machen vnd erhalten/ Darumb leset er in der Welt  
solche Fälle gehen/ auff daß er den Unglauben plage/ vnd mache die  
Wer.

Vermessenheit der Vernunft mit aller Witz und Arbeit zu schanden  
und bringe sie zum Glauben.

Nu solte billich dieser Spruch alkeine gnugsam reizen zur Ehe/ vnd  
eröffen alle die drinnen sind/ vnd den Geiz matt machen. Denn das  
schreckt die jungen Leut von der Ehe/ daß sie sehen/ wie es so wü-  
nderlich zugehet/ vnd sprechen/ Es gehöret viel in ein Haus/ Fremd  
Es lernet sich wol bey einem Weibe. Das mache/ sie sehen nicht/ wer  
solchs thut/ vnd warumb ers thut/ vnd weill menschliche Witz vnd Krafft  
hie nicht Vorrath sibet/ noch helfen kan/ wil sie nicht hinan.

Darüber fällt man denn in Vntuschheit/ so man erausen bleibet  
Oder in Geiz vnd Sorge/ so man hinein kömpt. Aber hie stehet der  
Trost/ Laß den GELACK haushawen vnd haushalten/ Greiff ihm  
nicht in sein Werk/ Ihm gebühret darüber zu sorgen/ Dir aber nicht.  
Denn wer der Hausherr ist vnd haushalt/ den laß sorgen. Gehöret viel  
in ein Haus/ wolan/ so ist Gott ja größer denn ein Haus/ Der Himmel  
vnd Erden erfüllet/ wird ja auch ein Haus füllen können/ sonderlich  
weill er sich annimpt/ vnd läßere von ihm singen.

Was ist nu wunder/ daß viel in ein Haus gehöret/ wo Gott nicht  
Hausherr ist? Weil du den nicht sibest/ der das Haus füllen sol/ so müs-  
sen wartlich alle Winkel ledig scheinen. Wenn du aber ihn ansthest/ so  
wirstu nimer gewar/ ob ein Winkel ledig sey/ Es düncket dich alles voll  
seyn/ vnd ist auch alles voll. Ist aber nicht voll/ so ist deines Gesichtes  
schuld/ gleich wie des Blinden/ daß er die Sonne nicht sibet. Wer aber  
recht sibet/ dem kehret Gott das Wort vmb/ vnd spricht nicht/ Es ges-  
höret viel in ein Haus/ sondern/ es gehet viel aus einem Hause. Also  
sehen wir/ daß haushalten sol vnd mus im Glauben geschehen/ So  
ist gnug da/ daß man erkenne/ es lige nicht an vnserm Thun/ sondern  
an Gottes Segen vnd Beystand.

Aber damit ist nicht zu verstehen/ als verhöre Er zu erbeiten/ Arbeit  
ten mus vnd sol man/ Aber die Nahrung vnd des Hauses fülle/ ja  
nicht der Arbeit zuschreiben/ sondern allein der Güte vnd dem Segen  
Gottes/ Denn wo mans der Arbeit zuschreibet/ so hebet sich alsobald der  
Geiz vnd Sorge/ vnd meyner denn mit viel Arbeit viel zu erwerben. So  
finder sich Widerspiel/ daß etliche vngewer erbeiten/ vnd haben doch  
kein Brot zu essen. Ander thun gemach mit Arbeit/ den fließt es zu.

B

Das

Das macht alles/ daß Gott wil die Ehre haben/ als der allein gibe  
alles Bedeyen. Denn wenn du gleich hundert Jahr pflügest/ vnd  
aller Welt Erbeit thuest/ so möchtest du doch nicht einen Halm aus der  
Erden bringen/ Sondern Gott/ ohn alle deine Werck/ weil du schläffst/  
machst aus dem Körnlein einen Halm/ viel Körner drauff/ wie viel er wil.

Darumb wil hie Salomon die Erbeit bestertigen/ Aber doch die  
Sorge vnd den Geiz verwerffen/ Denn er spricht nicht/ Der HERR  
bawet das Haus/ daß niemand dran erbeiten sol/ Sondern also/ Wo der  
HERR das Haus nicht bawet/ da erbeiten vmbsonst/ die es bawen/ Als  
solte er sagen/ Erbeiten muß man/ Aber das ist vmbsonst/ wo die Erbeit  
alleine ist/ vnd sich meyner selbst zu erhehren/ sie thut nicht/ Gote  
muß es thun. Darumb erbeite also/ daß du nicht vmbsonst erbeitest.  
Denn aber erbeitest du vmbsonst/ wenn du sorgest/ vnd auff deine Er-  
beit dich verlässest/ daß sie dich erhehre. Erbeiten gebüret dir/ Aber  
erhehren vnd hauffhalten gehöret Gott alleine zu. Darumb mußt du weit  
von einander sondern diese zwey/ Erbeiten vnd Hauffbawen/ oder erhe-  
ren/ so weit Himmel vnd Erden/ Gott vnd Mensch von einander sind.

Darumb liest man oft in den Sprüchen Salomons/ wie die  
Faulen gestrafft werden/ daß sie nicht wollen erbeiten/ vnd spricht/ Faulz  
Hand verarmet/ Aber die fleißigen Hände bringen Reichthumb. Wel-  
che vnd dergleichen Sprüche lauten/ als lege es an der Erbeit/ daß man  
sich erhehre/ so er doch daselbst/ wie auch in diesem Psalm spricht/ Es  
ligt an Gottes Segen/ vnd wie man auff deutsch sagt/ Gott bescheret/  
Gott bereichet. Daß dis die Meynung sey/ Solt hat Adam geboren/ sein  
Brot zu essen im Schwelß seines Angesichts/ vnd wil/ er sol erbeiten/  
vnd ohn Erbeit wil er ihm nichts geben. Wiederumb wil er ihm auch  
nichts durch seine Erbeit geben/ sondern bloß alleine durch seine Güte  
vnd Segen/ Daß die Erbeit sol seine Übung seyn in diesem Leben/ das  
Fleisch zu zwingen. Wo er darinnen ihm gehorsam ist/ so wil er ihm  
auch gnug geben/ vnd wol erhehren.

Denn Gott nehret den Menschen auff kein ander Weise/ denn alle  
andere Thiere/ wie der Psalm spricht/ Er gibe zu essen allem Fleische/  
auch den jungen Raben/ die ihn anrufen. Item/ Psal. 145. Aller Au-  
gen/ HERR/ sehen auff di/ vnd du gibest ihnen zu essen zu rechter Zeit/  
Du thust deine Hand auff/ vnd sättigest alle Thier mit Segen/ das ist/ mit  
Fülle

Fülle vnd Gnüge. Du erbeitet kein Thier vmb seine Nahrung/ sondern ein jegliches hat sein Werck/ darnach suchet/ vnd findet seine Speise. Das Vögelein fleucht vnd singet/ machet Nestter/ vnd zeuget Jungen/ das ist seine Arbeit/ Aber davon nehret sichs nicht.

Ochsen pflügen/ Pferde tragen/ vnd streiten/ Schaffe gebē Wolle/ Milch vnd Käse zc. das ist ihre Arbeit/ Aber davon nehmen sie sich nicht/ Sondern die Erde trägt Gras/ vnd nehret sie durch Gottes Segen/ wie auch Christus selbst Matth. 6. vns heisset die Vögel ansehen/ wie sie nicht säen/ erndten/ noch einsamen/ vnd doch von Gott ernehret werden/ das ist/ sie erbeitten wol ihre Arbeit/ aber der Arbeit thun sie keine/ davon sie ernehret werden.

Also sol vnd mus der Mensch auch erbeitten/ vnd etwas thun/ Aber doch daneben wissen/ daß ein ander sey/ der ihn nehre/ den seine Arbeit/ nemlich/ Göttlicher Segen/ Wiewol es scheint/ als nehre ihn seine Arbeit/ weil Gott ohn seine Arbeit ihm nichts gibt/ Gleich ob wol das Vögelein nicht säet noch erndtet/ aber doch müste es Hungers sterben/ wo es nicht nach der Speise stöge vnd suchete. Daß es aber Speise findet/ ist nicht seiner Arbeit/ sondern Gottes Güte/ Denn wer hat seine Speise dahin gelegt/ daß er sie findet? Ohne zweyffel Gott alleine/ wie er spricht Genesis 1. Sibe/ Ich habe alles Grünende geben/ auch zur Speise vnd allen Thieren.

Summa/ wenn gleich solchs die Schrifft nicht lehret/ so beweiset doch die Erfahrung auch/ Denn wo Gott nicht hinleget/ da findet niemand nichts/ vnd solt sich alle Welt zu tode erbeitten vnd suchen. Das sehen wir mit Augen/ vnd greiffens mit Händen/ noch glauben wir nicht. Wiederumb wo er nicht zu rath helte/ vnd bewahret/ da bleibets nicht/ vnd wenn hundert tausent Schösser dafür geleyet weren/ es zusleubt vnd zusleugt/ daß niemand weiß/ wo es bleibet.

Denn sage an/ Wer legt das Silber vnd Gold in die Berge/ daß mans da findet? Wer legt in die Acker solch gros Gut/ als heraus wächst an Korn/ Wein/ vnd allerley Früchte/ da alle Thiere von leben? Thut das Menschen Arbeit? Ja wol/ Arbeit findets wol/ Aber Gott mus dahin legen/ vnd geben/ solchs die Arbeit finden. Wer legt die Krafft ins Fleisch/ daß es junget/ vnd die Welt voll Thiere/ Fische zc. ein jedes nach seiner Art geboren wird? Thut das vnser Arbeit vnd Sorge? Noch



lange nicht/ **GOTT** ist zuvor dafelbst/ vnd gibe seinen Segen heimlich  
drinnen/ so gehers mit aller Fülle heraus. So finden wir denn/ daß alle  
vnsr Arbeit nichts ist denn Gottes Güter finden vnd auffheben/ nichts  
aber mügen machen/ oder erhalten.

Da sehen wir nu/ wie Salomo in diesem einigen Vers so kürz-  
<sup>NB</sup>lich gelehret hat/ die allergrößte Frage vnter Menschenkindern/ da man  
so viel Bücher geschriben/ so viel Sprüche vnd Weise erfunden hat/  
den armen Bauch zu ernehren/ Welchs Salomo alles auff einen hauf-  
fen verwirfft/ vnd fassers alles in den Glauben/ vnd spricht/ Du erbet-  
test vmbsonst/ wenn du dahin erbettest/ daß du wöllest dich ernehren/ vnd  
dein Haus bawen. Du machst dir wol viel Sorge vnd Mühe/ Aber zu-  
gleich mit solcher Vermessenheit vnnnd freuelm Vnglauben/ soltu wol  
Gott erzüenen/ daß du nur desto ärmer werdest/ vnnnd ganz verderbest/  
<sup>NB</sup>weil du süntimpf zu thun/ das ihm allein gebühret zu thun. Vnd ob  
dits gelinge/ daß du mit solchem Vnglauben gleich aller dinge reich wür-  
dest/ gelangt dir doch solchs zu grosser Verderbung an der Seelen ewig-  
lich/ daß dich Gott lest verblenden/ vnnnd dir in deinem Vnglauben wol  
gehen.

Sondern wiltu dich fein still vnd wolverehren/ vnd recht hauf-  
halten/ höre zu. Nimm eine Arbeit für dich/ daß du zu schaffen ha-  
best/ damit du dein Brot im Schweiß deines Angesichts essst/ Darnach  
sorge du nichts/ wie du ernehret werdest/ vnd wie solche Arbeit  
dein Haus bawe vnd halte/ Gib das alles Gott heim/ vnnnd laß ihm  
sorgen vnd bawen/ Traw ihm dasselbe/ Er wred dir fein vnd reichlich  
fürlegen/ was deine Arbeit finden sol vnd dir bringen/ Denn wo ers  
nicht fürlegt/ da wirstu doch vmbsonst erbetten/ vnd nichts finden.

Also lehret dieser ganze Evangelischer Vers meisterlich den  
Glauben/ wider den leidigen Geitz vnd Bauchsorge/ die iht leider allens  
halben das Evangelium an seiner Frucht hindert. Aus dieses Vers  
Verstand/ ist nu der ganze Psalm leicht/ Wollen nu die andern Vers  
kürzlich auch überlauffen.

Wo der **HERR** die Stadt nicht bewahret/ da  
hätet der Wächter vmbsonst.

Im ersten Vers hat er den Geitz/ Sorge vnd Vnglauben gestrafft  
an eim

an ein jeglichen Hauße in sonderheit/ In diesem thut er dasselbige an  
einer ganzen Gemeine/ Denn eine ganze Gemeine ist nichts anders/  
denn viel Häuser zusammen/ Darinne wird auch begriffen allerley Für-  
stenthumb/ Herrschafft/ Königreich/ vnd was ein gemeiner Hauße ist.

Su helts die blinde Welt dafür/ weil sie Gott vnd seine Werck  
nicht kennet/ es stehe bey ihrer Wize/ Vernunfft vnd Krafft/ daß eine  
Gemeine oder Herrschafft gedehe vnd bleibe/ Darumb samlen sie grosse  
Schätze/ giessen Büchsen/ bawen feste Thürn vnd Mauern/ schaffen  
Harnisch vnd grossen Vorrath/ richten kluge Gesetze auff/ vnd greiffens  
tapffer vnd weislich an/ gehen daher in ihrer Vermessenheit/ vnd grüße-  
sen Gott nicht einmal drum/ gleich wie die thären/ die den Thurn zu  
Babylonten baweten.

Stewell sihe Gott droben/ vnd sihet den Menschenkindern zu/ wie  
flüchtig vnd keck sie hinan gehen/ vnd lest ihm singen aus dem 33 Psalm/  
GOTT machet zu nicht die Anschläge der Völcker/ Vnd abermahlt  
Psalm. 94. GOTT kenne der Menschen Gedanken/ daß sie vnnyke  
sind. Vnd abermal/ Psal. 76. Er nimpt den Fürsten den Muth/ vnd ge-  
het wunderlich vmb mit den Königen auff Erden/ Denn er lest solche  
Städte vnd Herrschafften wol ein wenig auffsteigen vnd ansahen/ Aber  
ebe sie sich umbsehen/ stößt er sie zu boden/ Vnd zemetniglich/ je grösser  
Königreiche/ je ehe/ Vnd ob sie wol ein wenig im Schwang bleiben/ so  
ists doch für Gott kaum wie ein Anfang/ Vnd ist noch nie keines dahin  
kommen/ da es hin zu kommen trachtet.

Wenn man die Historien ansieht/ der Königreiche in Assyrien/  
Babylonten/ Persen/ Griechen/ Roma/ vnd aller anderer/ so findet man  
doch nicht anders drinnen/ denn was dieser Vers sagt/ vnd ist aller ihre  
Pracht nicht anders/ denn ein Sptel Gottes/ der sie hat lassen ein wenig  
auffgehen/ vnd immer etwas nach dem andern vmbgestossen/ vnd wie sie  
kurz durch Menschenwize vnd Vermessenheit sind auffgestiegen/ so sind  
sie auch noch viel schneller wieder niedergefallen/ Nicht daß an Leuten/  
Geld/ Gut/ vnd allem Vorrath gefeilet hat/ sondern daß die rechte Wäc-  
ter außhöret zu bewahren/ vnd lies sehen/ was Menschenwiz vnd Krafft  
vermöcht ohn sein wachen vnd bewahren/ So fand sich dann/ daß ihre  
Ding nichts war/ denn ein eitel Anschlag vnd vnnyk Fürnemen/ das sie  
nicht möchten halten noch außführen.

Das haben sie auch selbst gefühlet vnd bekante. Denn also schreiet  
bet der Heyde Virgilius von Troja/ daß der todte Hector sprach zu E-  
nea im Schlaf/ Hette Troja solt beschützet werden/ so were sie auch durch  
meine Hand beschützt worden. Vnd Lucanus/ Magnisque negatum  
Nare diu. Es ist nicht geben/ daß die großen Reiche lang bestehen. So  
gar öffentlich ist Gottes Werck am Tage/ Doch erkennet man es nicht/  
ob man gleich mit dem Kopff dawider läufft.

Also bekennen auch die Briegeleute/ daß der Sieg lige/ nicht  
NB an der Menge noch Stärke des Heers/ Sondern/ wie sie sagen/ am  
Glück. Aber die Schrifft sagt/ Es lige an Gott/ Wie Psal. 24. sagt/  
Er ist der HEER/ mächtig im Streit/ Vnd Psal. 147. Er hat nicht  
Willen an der Stärke der Pferde/ Vnd Psal. 33. Pferde beißen nicht  
mit ihrer Stärke/ vnd die Starcken mügen ihnen nicht beißen. Auch  
Eccles. 9. Ich sahe/ daß Zulauffen nicht lag an den Schnellen/ noch  
Siret an den Starcken 2c.

So wil nu Salomo mit diesem Vers kürzlich alle Könige  
Fürsten vnd Rathsberren, vnd was regiren sol, lehren, wie sie sollen  
NB ein fein friedlich, selig Regiment führen vnd behalten/ daß wol zus-  
gehe/ Nämlich, Sie sollen zum ersten wachen/ vnd fleis thun/ als  
ihre Ampt fodert/ Denn er spricht hie nicht/ daß sie nicht wachen sollen/  
noch fleißig seyn/ Gleich wie er im vorigen Vers nicht die Arbeit ver-  
hrent. Auch spricht S. Paulus Rom. 12. Daß die jenigen/ so andern  
fürstehen/ sollen sorgfältig oder fleißig seyn/ Sondern will/ daß ihr Wa-  
chen nicht vergeblich vnd verlohren/ sondern nützlich vnd gut sey.

Zum andern/ Daß sie solch Wachen im Glauben Gott beim-  
NB halten/ vnd ihn lassen sorgen/ wie er behüte/ Auff daß sie nicht sich  
vermessen/ das ihre Wache vnd fleis die Stadt bewahre, Sondern  
ohn Sorge seyn/ daß Gott werde wol die Stadt bewahren/ Land vnd  
Leute beschützen/ Die Vermessenheit vnd Sorge thue nur von dem  
Wachen/ vnd laß es frey im Glauben daher gehen. Denn wiewol Gott  
nichts wil bewahren/ man thue denn fleis vnd wache/ So wil er doch  
nicht/ daß man meyne/ vnser Wachen vnd fleis thue solches/ welches  
allein seine Güte vnd Gnade thut.

Denn der zweyer eins muß gewißlich folgen/ wo wir wachen aus  
vnsrem Vertrauen/ entweder Vermessenheit vnd Sorge/ Obet es wol  
ab vnd

ab vnd sicher/ so vermessen wir vns vnfers Wachens/ Gehet es übel/vnd wil setten/ so sorgen vnd zagen vnd zweiffeln wir. Du wil Gott der beyder keins leyden/ weder Vermessenheit noch Sorge/ das wir nicht sorgen/ wenn wir vnicher sind/ Doch vermessen/ wenn wir sicher sind/ sondern in ein freyen/ richtigen Glauben wachen vnd thun/ was vnser Ampt ist/ Vnd eben so wenig sorgen/ wenns übel gehet/ als vermessen/ wenns wol gehet.

Solchs thut nu niemand/ denn ein gläubig Hertz/ wie David spricht wider die Sorge Psal. 3. Ich wil mich nicht fürchten/ wenn viel Tausent sich vmb mich machen/ Vnd Psalm. 27. Der HERR schütze mich/ für wem sol ich mich fürchten? Wenn sich ein Streit wider mich erhöbe/ so wil ich mich auff ihn verlassen/ Wlederumb spricht er wider die Vermessenheit Psal. 44. Ich wil mich nicht lassen auff meinen Vorgen/ vnd mein Schwerdt wird mir nicht helfen.

Warumb heiff er denn erbetten vnd wachen/ vnd wil das man Mauren/ Harnisch/ vnd allerley Vorrath habe/ gleich wie er die Kinder Israel hieß Harnisch anthun/ vnd streiten wider die Cananiter? Sol man keinen Vorrath schaffen/ Thor vnd Fenster offen lassen/ vnd sich gar nicht wehren/ sondern lassen auff sich stechen/ wie auff die todren Leibe/ als die 1. Machab. 2. thäten? Bey leibe nicht/ Du hast gehöret izt/ das Oberkeit sol wachen/ stetzig seyn/ vnd alles thun/ was ihrem Ampt gebühret/ Thor zuschließen/ Thurn vnd Mauren bewahren/ Harnisch anlegen/ Vorrath schaffen/ vnd sich eben stellen/ als were kein Gott da/ vnd müsten sich selbst erretten vnd selbst regieren/ gleich wie ein Hauffheer sol erbetten/ als wolt er sich mit der Arbeit erhehren.

Aber da sol er sich für hüten/ das sein Herrk je sich nicht verlasse auff solch sein Thun/ noch sich vermessen/ wo es wol angehet/ Noch sorgen/ wo es setten wil/ Sondern sol alle solche Verettschafft vnd Rüstung lassen vnfers HERN Gottes Nummeren seyn/ darunter er selbst alleine<sup>NB</sup> wircke vnd aufreichte/ was wir gerne hätten/ Denn er solche Rüstung auch darumb befiehlt/ auff das er sein Werck darunter verberge/ Vnd lasse die anlauffen/ die sich vermessen/ Vnd stärke die/ so sich besorgen/ auff das man ihn nicht versuche.

Also hat er alle Kriege Davids des Königs geführt im alten Testa-  
ment/

meint/ vnd des ganzen Volcks Israel/ vnd führet sie auch noch/ wo sol-  
che gläubige Obrigkeit ist. Also hat er Abraham/ Isaac/ vnd Jacob/  
durch ihre Arbeit reich gemacht. 2c. Das man wol mag sagen/ Der Wele  
Laufft/ vnd sonderlich seiner Heiligen Wesen/ sey Gottes Nummern/  
darneer er sich verbirgt/ vnd in der Welt so wunderbarlich registert vnd  
rumort.

**Es ist vergeblich/ daß ihr früe auffstehet/ vnd spat  
nieder gehet/ vnd esset das hartselige Brodt/  
Denn seinen Lieben gibt er solches im schlaff.**

Das ist alles geredt wider die Vermessenheit vnd Sorgsältigkeit/  
Als solt er sagen/ Daß ihr früe auffstehet/ vnd spat nidergehet/ vnd  
meynet/ je mehr ihr arbeitet/ je mehr ihr haben werdet/ das ist verra-  
lohren/ denn es mus doch Gottes Segen thun/ Vnd ob ihr gleich  
mehr denn andere erwürbet/ die nicht so ängstlich thun nach Gut vnd  
Dut/ so reicht es doch nicht so ferne/ als der ander/ die nicht so ängstlich  
sind/ vnd verschwindet doch vnter den Händen/ wie der 37 Psalm sagt/  
Es ist besser/ dem Gerechten ein wenig/ denn grosse Güter der Gottlo-  
sen/ Vnd Salomo in seinen Sprüchen/ Es ist besser/ Bauen mit  
Liebe/ denn ein fester Ofen mit Haß.

Daß aber dis die Meynung sey/ vnd er hie nicht die Arbeit oder  
Gleit verbiete/ beweiset sich daraus/ daß er sagt/ Vnd esset das harts-  
selige Brodt/ Das ist so viel gesagt/ Ihr macht euch ewer Brodt vnd  
Nahrung hart vnd sawer/ vnd ist doch nicht der Arbeit schuld/ sondern  
ewers ängstlichen/ vngläubigen Herzens/ das nicht gläubet/ Gott werde  
euch ernehren/ Sondern gisset vnd treibet/ vnd wil zu vor Kasten/ Wen-  
tel/ Keller vnd Boden voll haben/ vnd nicht ehe ruhen/ es wisse denn  
Vorrath/ den es in vielen Jahren nicht müge verzehren.

Aber wer Gott gläubet/ der sorget nicht für den andern Morgen/  
lest ihm benügen heute/ vnd thut seine Arbeit mit Freudten vnd still-  
tem Herzen/ helt sich/ wie Christus im Evangelio sagt/ Seyd nicht  
sorgsältig für den morgenden Tag/ Denn der morgende Tag wird sein  
eygen Vnglück haben/ Es ist genug/ daß ein jeglicher Tag sein Vbel hat.  
Ehet diesen vnter ihre Nahrung nicht hart noch sawer/ Denn ob sie  
wol

wol auch ihr Brodt essen im Schweiß ihres Angesichts zufferlich/ so  
thun sie doch das mit Glauben vnd frölichem Gewissen innerlich.

Darnach schließt er/ wie Gott solchs alles gebe/ vñnd spricht/ Sic  
dabit Dilectis suis somno. Solches alles/ beyde Haus bawen vnd Stade  
bewahren/ das gibet er wie im Schläffe/ seinen Lieben/ Das ist/ Er läßt  
sie wol erbeiten/ vñnd fleißig seyn/ Aber daß sie nichts sorgen noch ver-  
messen/ sondern gehen dahin frölich/ vñnd nehmen sich nichts an/ lassens  
ihm befohlen seyn/ vñnd leben dahin sehr still/ vñnd mit ruhigem Herzen/  
wie einer der sicher vñnd süsse schläfft/ vñnd auch keines Dinges sich an-  
nimpt/ vñnd doch sehr bewahret/ vñnd lebendig bleibt/ Denn sie haben  
genug/ vñnd müssen genug haben/ vñnd bewahret seyn/ weil sie es Gott  
heimstellen/ wie der 55 Psalm saget/ Wirff deine Sorge auff den  
HERRN/ der wird dich erheben. Vñnd 1. Pet. 5. Werffet all ewere  
Sorge auff ihn/ vñnd wisset/ daß er für euch forget. Es ist nur zu  
thun vmb die leidige Sorge/ Getz/ vñnd Unglauben/ nicht vmb die Er-  
betr.

**Siehe/ die Kinder sind das Erbe vom HERRN/ vñnd  
die Frucht des Leibes/ ist das Lohn.**

Das ist ganz auff Ebreische weise geredt/ Erbe vom HERRN vñnd  
Lohn ist ein Ding/ gleich wie Kinder vñnd Früchte des Leibes/ ein Ding  
ist/ Vñnd wil also sagen/ Was ist's nütze/ daß ihr so fast forget/ vñnd euch  
ängstet/ wie ihr Gut vñnd Hut überkommet? Sind doch die Kinder/ vñnd  
was von Weibern geboren wird/ nicht in ewer Gewalt/ welche doch ge-  
hören in ein Haus vñnd Stadt/ Denn wo nicht Kinder weren/ vñnd Le-  
ibesfrüchte/ da würde weder Haus noch Stadt bleiben. So denn die-  
selbigen Gottes Erbe vñnd Lohn/ das ist/ Gottes Gaben vñnd Geschenk  
sind/ für die ihr doch fast forget/ vñnd wenn alle Welt mit aller Brasse  
zusammen thäte/ möcht sie doch nicht machen/ daß ein Kind in ein-  
gem Leibe eines Weibs empfangen oder geboren würde/ sondern es  
ist alles Gottes Werk alleine/ Warumb dencket vñnd forget ihr denn  
für Gut vñnd Hut/ so ihr das nicht habt/ für welches ihr solch Gut vñnd  
Hut suchet? So solt nu ein Hansvater vñnd Herr billich also sagen/  
Ich wil erbeiten/ vñnd das meine thun/ Aber der die Kinder im Hau-  
se/ vñnd die Leute in der Stadt. (die allzumal Leibesfrüchte sind)

E

schafft

schaffe vnd macht/ der wird sie auch nehren vnd bewahren. Siche/ so würde dein seine Arbeit/ vnd jenem sein Wachen nicht sauer/ vnd gienge fein im Glauben zu.

Das hat auch Christus Matth. 6. (wie fast den ganzen Psalm) gerühret/ da er spricht/ Ist der Leib nicht mehr denn die Kleider/ vnd die Seele mehr denn die Speise? Als solt er sagen/ Sind doch Kinder vnd Leibesfrüchte nicht in ewer Sorge/ wie forger ihr denn für Eur vnd Nur? Denn wer kan immermehr sagen/ wie das zugehet/ daß alle Menschenkinder aus Weiberfleisch daher kommen? Wer hat solche grosse Menge Menschen in das arme Fleisch daher verborgen/ vnd bringers so wunderbarlich heraus? Ohn allein/ der die Kinder zum Erbe gibt/ vnd Leibesfrucht zu Lohn seinen Lieben/ wie im Schlasse. Gott bescheret über Nacht/ spricht man/ vnd ist je warlich wahr.

### Wie die Pfeil in des Gewaltigen Hand/ Also gerathen die jungen Knaben.

Er vergleicht die Kinder vnd Leute/ den Pfeilen in der Hand eines starcken Helden. Derselbige schießt die Pfeile/ wenn vnd wo er htn wil. Also sehen wir auch/ wie Gott mit vns umgibet/ Siche doch drauff/ wie selzam er Mann vnd Weib zusammen paeret/ des sich niemand <sup>NB</sup> versehen möchte/ Wie kommen sie zu selzamen Ständen vnd Wesen/ da sie nie nach gerungen haben/ daß man Wunder dran siche/ vnd gemeintlich anders hinaus gehet/ denn es Vater vnd Mutter/ vnd auch ein jeglicher selbst bedacht hat/ Als solt Gott mit der That diesen Vers bekennen/ vnd sagen/ Ich wil aller Menschen Anschläge zu nichte machen/ vnd mit den Menschenkindern umgehen nach meinem Willen/ daß sie in meiner Hand seyn/ wie Pfeile in eines starcken Kiefens/ was hilfirs denn viel sorgen vnd anschlafen/ wie es mit vns werden solt/ so es doch nicht anders wird/ denn wie er wil? Drum ist das beste/ erbeiten/ vnd ihn sorgen lassen für das Zukünfftige.

Vnd sonderlich/ nennet er die Kinder der Jugend/ als die noch nicht hauffhalten/ noch Wächter in der Stadt sind/ die wir meynen gang vnd gar vnser Klugheit befohlen zu haben/ noch führet er sie im Hause vnd Stadt/ wie er wil/ vnd richtet mit ihnen aus/ was er wil/ daß wir ja sehen sollen/ daß er für alle Ding forger/ vnd vns nichts nirgend lassen wil/ denn die Arbeit/ Damit wir nicht meynen/ Gott regiere allein die jungen

junger Kinder in der Wiegen/ vnd lasse die Grossen sich ihrer Vernunfft  
vnd freyes Willens brauchen. Ja er regier die Grossen (spricht er hie)  
so so mächtiglich als die Jungen/ Sie sind Pfeile in seiner Hand/  
indessen weben vnd fahren/ wo/ vnd wie er wil. Es gilt bey ihm gleich/<sup>NB</sup>  
Vernunfft vnd Vavernunfft/ Himmel vnd Erden/ Jung vnd Alt/ Kling  
vnd Weise.

Ja mit den Klugen vnd Vernunfftigen gehet er wunderlicher vmb/  
vnd hat viel mehr mit ihnen zu schaffen/ daß er ihre Anschläge vnd Ver-  
nunfft zu Narren mache/ vnd führe sie anders/ denn sie fürnemen. Drum  
laut dieser Vers/ Daß nicht die Kinder vnd Früchte des Leibes/ welche  
er Gottes Erbe vnd Sabe nennet/ sondern die Kinder der Jugend/ die  
nu groß vnd vernunfftig sind/ in der Hand hat/ wie ein Riese seine Pfeile/  
So es doch scheinet/ als habe er dieselbigen am wenigsten in der Hand/  
vnd lasse ihre Vernunfft vnd Wiß sie meistern/ vnd warte er die weil der  
Kinder. Es ist alles zu thun/ daß er vns wil das Regiment vnd Sorge  
über vns nehmen/ vnd wehren/ Auff daß wir wissen sollen/ wie er selbst  
alleine vns regeret/ vnd für vns forget/ vnd vns lasse erbeten/ vnd schaf-  
fen vnser Ding.

**Wol dem Mann/ der seinen Köcher derselben voll  
hat/ Die werden nicht zu schanden/ wenn sie mit  
ihren Feinden reden im Thor.**

Er wündschet/ daß solcher Jugend von Gott geben vnd erkant/  
viel seyn. Denn so stünde es wol in der Welt/ das ist auch wahr/ Sol  
man allerley Sachen rahten/ so muß die Jugend darnach gezogen<sup>NB</sup>  
vnd gehalten werden/ die nach vns das Regiment vnd Leben auff Er-  
den sol führen. Gleich wie der Riese wol bestebet vnd gerüstet ist/  
der seinen Köcher voll Pfeile hat/ Also ist der Hausherr vnd die  
Stadt wol versehen/ die solcher Jugend viel hat/ von Gott geben/  
Denn daselbst helet Gott selbst haus/ vnd behüret die Stadt.

Aber solche grosse Gnad bleibt nicht ohn Verfolgung/ Denn wo  
es görtlich zugehet/ da muß auch teuflische Anfechtung seyn. Der Un-  
glaube vnd Geiz der Welt kan solches nicht leyden/ daß man so lehre oder  
lebe/ Darumb werden solche Hausherrn vnd Städte nicht ohn Feinde  
bleiben/ die sie lästern vnd schänden. Aber dawider stehet hie der Trost/



daß sie endlich noch mit Ehren bestehen werden/ vñnd ihre Feinde im  
Thor/ das ist/ öffentlich zu Schanden machen. Er nennet aber keinen  
Harnisch oder Waffen/ sondern allein das Wort/ vñnd spricht/ Sie wer-  
den reden mit ihren Feinden im Thor/ Als solt er sagen/ Mit der Lehr  
werden sie bestehen/ daß es recht sey/ wie hart auch die Widerwertig-  
en das anfechten.

Diß wil ich Ewer Liebe/ meine lieben Freunde in Christo/  
zur Ermahnung geschrieben haben/ Daß ewere Herzen mit  
vns desto fleißiger seyn/ Damit das Evangelium reich vñnd  
fruchtbar bey vns allen werde/ in allerley Verstand vñnd guten  
Wercken/ dawider die Frucht des leidigen Vnglaubens/ der  
Geiß/ so gewaltiglich sicht.


Vnsrer lieber HERR IESUS CHRISTUS stärke vñnd helffe  
vns/ Denn so wir noch schwach sind/ daß wir für des Bauchs  
<sup>378</sup> Nothdurfft nicht können das Sorgen lassen/ Wie wollen wir  
das Wüten der Welt/ den Todt/ Schmach/ vñnd alles ander  
Vnglück tragen? Ja/ wie wollen wir stehen/ wenn nu die fals-  
chen Geister an vns kommen/ so sich jet schon regen/ vñnd ans  
heben? Aber Gott der Vater aller Barmherzigkeit/ der  
sein Wort vñnd Werk bey euch angehaben hat/ wolte ewere  
Sinn vñnd Herz behüten/ in der einfältigen vñnd unverfälschten  
Erkänntnis IESU CHRISTI vnseres Heylandes/ Wel-  
chem sey Lob vñnd Danck in Ewigkeit/  
Amen.











grünen für seinen Augen/ wiewol sie für ihren vñ  
den verforeten Bäumen gleich sind. Damit sei  
einer Truß theilhaftig werde/ zerbricht er dieselbe;  
vñ er die Körnlein aus den Ähren bringe/ leste er  
Acker/ damit er Korn trage/ leste er durch Flügel/  
der Herr die Dornen/ so zerbricht er/ so zerbricht  
wann er den Ehegaten wñ nimpt; suchet aber all  
Hoffnung vñ andere Früchte des Heiliges. S  
vñ sagen mit Paulo Rom. c. 5. Wir rühmen vn  
weil wir wissen/ daß Trübsal Gedult bringet/ Bel  
erung/ Erfahrung bringet Hoffnung/ Hoffnung  
den werden. Vñ mit Assaph Ps. 73. HERR  
so frage ich nichts nach Himmel vñ Erden ic.

Die vierde Nutzbarkeit ist/ die Erweck  
nach dem Ewigen. Es dencket mancher selte  
ewige Leben/ da er seinen Ehegaten vñ sich hat/  
dencket ihm zuweilen/ dis Leben sey sein Paradyß  
Herr sein Herr erhebe/ so nimpt er den Ehegaten  
denn auch nach dem Ewigen sich sehnen. Wie je  
des Magnets/ das schwere Eysen/ das vorher an  
legen war/ dahin ziehet/ wohin er den Magnet leg  
wenn er sicher/ seine Kinder sind enstertig auff ihr E  
auch auff sein Wort nicht allerding mercken/ d  
von dem sie auch ein herrliches Erbheil zu erwa  
weret nimpt; So machetis auch Götter der Herr  
die Ehegaten nimmet/ Da sie vorhero ensterte v  
habt haben/ ziehet er sie auffwärts/ durch Entzue  
denen das Herz klebet/ sehet denn Eysen am Ma  
sich nach irem liebsten Ehegaten sehnen; Diese  
nimmet er/ daß sie auff sein Wort vñ das ewige  
ihre Zeit so nicht mit Welt vñ Fleisches Lust zub  
dazu geboren waren. Wann Esther ins König  
angefommen/ liegt Mardocheu ihr gar guter  
niglich Hofes/ das sonst nicht geschähen were;  
gen in dem Himmel sind/ sehnen wir vns auch nach  
mancher: Daser Wandel ist im Himmel/ Phil. c.  
scheiden/ vñ bey meinem H. Jesu zu seyn. Phil. c.

e Augen  
Kern in  
n Hauf  
Vnd den  
zerbricht  
gget er/  
t/ Liebe/  
edülig/  
sal/ die  
Erfah  
u schau  
ch habe

angens  
vnd ans  
gehet/ da  
Der der  
er ihm  
gung  
d still ge  
Vater/  
er/ daß sie  
sacer ist/  
s Spiel  
lechen er  
erken ge  
aten/ an  
er/ daß sie  
pielwerd  
ben/ vñ  
n sie nur  
schwer ist  
des Kö.  
Vnsert  
a seuffzet  
Lust abju  
Hier.

